



МЕСЯЦА МАРТА В 20-Й ДЕНЬ

Преподобных отец наших,
во обители святого Саввы убиенных

Стихиры, глас 4.

Подобен: Яко добля:

Желаний крайнейшему / до конца прилежаще, / житейския красоты, преподобнии, / яко уметы, вся вмените / и едина пребывающая / бдением и молитвами, / дождем же и варом стяжасте, / единоките вкупе бывше, / сограждане Ангелом являетесь благодатию.

И дреколием биими, / и камением наметаеми, / и оружию разсекаеми, / единомыслия не разрушите, мученицы, / любовью связаннии / и желанием братским, / но, вкупе умерщвляеми / и разсекаеми на уды, страстотерпцы, / на трапезе положистесь Божественней, / яко жертвы непорочныя.

И огнем изнуряеми, / и удавлением стягаеми, / души предасте, яко непорочныя жертвы, / мученицы славнии, / в руке Всецаря, / и совокупистесь с лики безплотных сил, / вечнующую наследовасте славу. / Ейже причаститесь вас восхваляющим / непрестанно молитесь.

Слава, и ныне, Богородичен,
глас и подобен тойже:

Покаяния изрядное / и спасительное врачество, / Яже Бога рождающая, Спаса моего, / и слез токи, / и часа помысл грозного и страшного, / и Суда неумытного / Ты ми даруй избежати молитвами Твоими, / о Дево! мучения трепетного, / и Божественную получитьи благодать.

Крестобогородичен. Подобен тойже:

На Кресте Тя яко узрэ / пригвождена, Господи, /
Агница и Мати Твоя дивляшеса / и — что видение
сие, — взываше, — / Сыне вожделенне? / Сия Тебе
непокоривый собор воздаде беззаконный, / иже
многих Твоих чудес насладивыйся. / Но слава
неизглаголанному / сошествию Твоему, Владыко.

Канон, егоже краегранесие: Песньми славлю
мученики единокравныя. **Творение кир Стефана**
Саввайта. Глас 8.

Песнь 1

Ирмос: Песнь возслем, людие, / чудному Богу
нашему, / свободившему Израиля от работы, /
песнь победную поюще и вопиюще: / поим Тебе,
Единому Владыце.

Песньми Боговенчанное множество священных
мученик Твоих желающему похвалити, Христе, / с
Небесе подаждь ми свет разума сих мольбами, / да
воспою Боговещанную песнь.

Скверну отвергосте плоти и духа, пребогатию, /
мира смертоносных сластей избегше, / равноан-
гельное же житие поживше, в Вышнее преидосте
жилище.

Законом духа яве уды управивше ваша и
чувства, / храмы освященны Богу показаетесь,
мученицы Богоноснии, / в вас бо Христос водво-
рися.

Богатство, тлимое на земли, оставльше, святии, /
и красная жития, яко сон, презревше, Христу
угодивше, / недвижимое царство ныне восприяте.

Богородичен: Лествица явилася еси мысленная,
юже Иаков виде избранный Божий, / из неяже
неизреченным словом пройде Безплотный, / плоть
непреложно быв паче слова из Тебе, Богородице.

Песнь 3

Ирмос: Небеснаго круга Верхотворче, Госпо-
ди, / и Церкви Зиждителю, / Ты мене утверди в
любви Твоей, / желаний краю, верных утвержде-
ние, / Едине Человеколюбче.

Освятивше все ваше, мученицы, житие, / нес-
кверно войстинну всевидящему Богу принесосте

всесожжѣния Божѣственна сáми себѣ / и совершѣнныя венцѣ прїясте.

Сáввы Богоноснаго я́ко ученицѣ и́скреннии, / еже кромѣ плѣщев возжелáвше отшѣствие, / невозвратно стезѣю прискóрбною шѣствующе, / к жїзни достигóсте безконѣчней.

Воздѣлавше сѣмя, еже в вас, преподóбнии, всѣянное слóво, / и слѣзными тóки обильно напоивше, / сторїчествующий клас Бóгу принесóсте, плодоносѣвше.

Богорóдичен: Вселѣвся в Дѣву плóтски, Гóсподи, / явился есѣ челове́ком, я́коже подобáше зрѣти Тя, / Ю́же и показáл есѣ я́ко и́стинную Богорóдицу / и вѣрным пóмощь, едїне Чело́веколю́бче.

Седáлен, глас 8.

Подóбен: Повелѣнное тáйно:

Воздержáнием страстѣй огнепáльныя умертвѣвше зрáки и двизáния, пóстницы Богопрїятнии, / послѣдующе стопáм вся создáвшему едїному Бóгу, / я́коже прїятна жѣртва, живá и освящѣнна, / принесóстеся заколѣнием рук вáрварских, / биѣми, закалáеми и нýжно пресека́еми.

Слáва, и нýне, Богорóдичен:

Богорáдованная, Чїстая, благословѣнная, / за милосѣрдїе щедрóт из Тебѣ рóждшагося / с Вышними сїлами и Архáнгелы и со всѣми безплóтными о нас молї непрестáнно, / дáти нам прѣжде концá прощѣние, / и очищѣние грехóв, и житїя исправлѣние, / я́ко да обрѣщем мїлость.

Крестобогорóдичен:

Сїна Твоегó и Бóга Крестóм, Дѣво, сохраня́еми прїсно, / дѣмонскїя прилóги и кóзни побежда́ем, / сýщую Богорóдицу Тя войстинну воспевáюще, / и любóвию, вси рóди, блажїм, Пречїстая, я́коже прореклá есѣ. / Тѣмже согрешѣний нáших оставлѣние молїтвами Твоїми дáруй.

Песнь 4

Ирмóс: Всел есѣ на кóни, апóстолы Твоя́, Гóсподи, / и прїял есѣ рука́ма Твоїма узды́ их, / и

спасёние бысть еждёние Твоё / вёрно поющим: / слава силе Твоёй, Гóсподи.

В пустыни безводней терпящая зря враг, / добродетельми же различными красящаяся, непобедимыя мученики, / распалашеся люте, завистию обложен, и на ополчение готовляшеся.

Укоренив прелесть во своих ему ученицех / на другдружное убийство поучаше варварская колена змий лукавый, / имиже из пустыни изгнати преподобныя тщашеся.

Сверёпо иже окрестныя объём, якоже возжелё, / отгнати убо сия не возможе непобедимыя, праведных сопротивоборец, / побеждён же быв невидимо, окоявленне вооружися.

Яда и неистовства исполнен, / устремися со оружники злоначальник, зверовидно же блаженным натечё / и ранами нестерпимыи кровныя потоки излия.

Текущаго истязоваху вещества, злата тленного сокровища, / иже на земли упования утвердшии, / доблии же, на Небеса положше упования, вопияху: / слава силе Твоёй, Гóсподи.

Якоже зверие, дрекольми немилостивно, / и мечи преподобныя, и камением ураняху, / своя старейшины сказати веляще, / но пребываху вси, законом любви утверждаеми.

Богородичен: Дёво и Мати, Ты — апостолов удобрение, / и мучеников святых утверждение, / и преподобных похвала же и спасение, вёрно сладкопоющих: / слава силе Твоёй.

Песнь 5

Ирмос: *Вскую* мя отрёнул еси / от лица Твоего, *Свете незаходимый?* / и покрыла мя есть чуждая тьма, *окаяннаго,* / но обрати мя и к свету заповедей Твоих / *пути* моя направи, молюся.

Научившеся любви, Спасе, союзу совершения преподобнии / и, наказани Тобою, души положиша по своим друзех, / Твоим паче человеков вольным страстем подобящися.

Вельми паче естества плотию волею рождейся, Христё, / повелением Твоим смерти явйшася державнее, / ибо, Твоим составляющися законом, /

умрѣти по друзѣх благохвально Богомудрии тщахуся.

Окропивше иссопом крещенія мысленным души, / вашими же абие окропитесь кровью, преподобнии, / во стремлении же огня, яко злато, искусившесе, / приятна бысте жертва благовонна Богу.

Богородичен: Матернее дерзновение еже к Сыну Твоему стяжавши, Пречистая, / сроднаго промысления нашего не презри, молимся, / яко Ты и единому христиане во Владыце очищение милостивно предлагает.

Песнь 6

Ирмос: К могущему мя спасти Господу / из глубины греховных возопих, / и от тли возведе живот мой, / яко Человеколюбец.

Прещений варварских не убоишася угодницы Христовы, / житие бо непрестанным поучением смертным представиша.

Мняще богатети, нестяжатели нечестивии нещадно мучаху, / иже тленная убо повергшия, стяжавшия же нетленная.

Силою непобедимою одеявшесе, Христовы страдальцы / победиша мысленныя лестцы и варварская шатания.

Богородичен: Яко на облаце легцем, прииде на Тя царствуяй Господь / низложити, Всенепорочная, египетская рукотворения.

Кондак, глас 4.

Подобен: Вознесыйся:

Земных и тленных наслаждение/презревше яве, преблаженнии, / пустынное житие изволивше, / мира же краснейшее, и пищи временныя возненавидевше, / отонудуже сподобистесе Небеснаго Царствия, / с лики мученик и постник веселящесе. / Темже, чтуще память вашу, / вопием вам прилежно: / от бед нас, отцы, избавите.

Песнь 7

Ирмос: Халдейския печи / всепагубную силу угасивше / образом Ангела снишедшаго, / Зижди-

телю юноши взываху:/ **благословен еси и хвальный, Боже отец наших.**

Изнемогоша вкупе брани противных полков, видимых и невидимых,/ в ранах зряще мученики, песнословящая:/ **благословен еси и хвальный, Боже отец наших.**

Тебе, Христу, уневествившися / и желанием Твоим уязвляеми, единого Сущаго возлюбивша, / род, и отечество, и богатство отвергнуше, прибегателие Твое, / о Избавителю, **Боже отец наших.**

Скверноубийство варваров не претвори рачители твоя, **Христе, пустынного Богослужения,** / убивающих бо тело не убояшася, / Твоя держаще заповеди, якоже незыблемое основание.

Все к Тебе преложивше от мира желание, **Христе,** / ярость же токмо на грех вооруживше, Тебе угодивша, / всемудрым объёмшися помыслом, **угодницы Твое, Господи.**

Закон, Богописанный внутри на скрижалех сердец ваших, от Бога, мученицы, приемше, / единого в Троице Бога проповедасте, **Тому вопиюще:** / **благословен еси и хвальный, Боже отец наших.**

Богородичен: Во свете Господни ходящии, / приидите, воспойм Божественную дверь Царя царствующих, / **Марию, чистую Богородицу** воистинну, / **яко упование душ наших.**

Песнь 8

Ирмос: **Нечестия органы** иную песнь, / **благочестия же Боговещанныи** пояху гусли: / **благословите, дела Господня, Христа во веки.**

Небесным чином ревновавше, / **равноангельни** всенощными стоянии во бдениих пояху: / **благословите, вся дела Господня, Христа во веки.**

Крест вземше, Тебе, Владыце, последоваша **вседушно мученицы,** поюще: / **благословите, вся дела Господня, Христа во веки.**

Всенравно тело, и душу, и дух очистивше, / **всесожжения Богу** принесостеся, во огни опалившися, **отцы,** / **Христа** превозносяще во вся веки.

Троичен: Во двух ипостасех Ты быти хулящии **неразделимаго** да постыдятся, / **яко четверицу**

чтүции: / мы бо Тебѣ Единому Божественныя
Троицы поклоняемся.

Песнь 9

Ирмос: Ужасѣся о сем Небо, / и земли удивѣшася
концы, / яко Бог явѣся человеком плѣтски / и чрево
Твое бысть пространнейшее Небес. / Тем Тя,
Богородицу, / Ангелов и человек чиновачалия
величают.

Различно обнажшеся постницы и победивше
миродержца козни, / посрамѣша мужески яко
страдальцы варварское озлобление, / сих претер-
певше стремления. / Темже и венцы сугубыя от
праведнаго Подвигоположника прияша.

В вертепах и пещерах, постнически жизнь
проходяще, блаженнии, / в пещере тесней пропа-
сти затворени бысте несветлей, / обогрени кровь-
ми, жжением же огня / и иже от дыма, люте парю
смешаемою, удавлени бывше, / победоносцы яви-
стеся.

Поём подвиги паче естества, ижеже противу
греха пострадасте, / юношески противоставше,
яко Христовы воины славнии, / ибо победили
благославно, / и, ныне предстояще с чинми святых
Всевысочайшему, / нас поминайте.

С Саввою отцем и наставником, яко искренняя
чада, блаженнии, / на Небесех зарю одеяни
трисиянную, / о нас молитесь, соученицех же и
певцех, / мир даровати общий церквам и спасение
душам нашим.

Богородичен: Отриновенныя Небеснаго жития
и падшия okayнно в смерть, / паки нас, Мати
бывши Избавителя, возвала еси, Пречистая, / и к
первому паки теци сподобила еси отечеству. /
Темже Тя, Богомати, непрестанно величаем.

**Преподобные Иоанн, Сергей,
Патрикий и прочие, во обители
святого Саввы убиенные.** В VIII
веке окрестности Иерусалима подвер-
гались частым нападениям кочевни-
ков сарацин.

На шестой седмице Великого по-
ста сарацины внезапно ворвались
ночью в Лавру преподобного Саввы
Освященного и потребовали отдать

им все ценности. В монастыре, одна-
ко, не было ничего, кроме скудных
запасов пищи и ветхой одежды. По-
лучив такой ответ, сарацины стали
убивать иноков Лавры, поражая их
стрелами из луков. Тринадцать чело-
век было убито и многие ранены.
Сарацины подожгли монашеские
келлии и намеревались поджечь
храм, но, увидев вдали множество

людей и решив, что это войско, посланное из Иерусалима, поспешили удалиться. После бегства насильников отец Фома, искусный врач, оказал помощь раненым.

В Великий четверг, 20 марта 796 года, сарацины вновь напали на Лавру. Оставшиеся в живых были согнаны в храм и подверглись пыткам. От них добывались сведения о якобы спрятанных сокровищах. Варвары схватили блаженного Иоанна, совсем еще юного монаха, исполнявшего в обители послушание попечителя странников. Перерезав ему сухожилия и содрав кожу со спины, мученика умертвили, когда волокли его по камням с горы.

Хранитель церковных сосудов, преподобный Сергей, пытался бежать, но был схвачен и обезглавлен. Нескольким монахам удалось скрыться вне обители, в пещере, но это заметил находившийся на горе страж и приказал всем выйти. Внутри пещеры преподобный Патрикий шепотом сказал братии: «Не бойтесь, я

выйду, а вы сидите и молчите». Его отвели в лаврский храм, где находились плененные монахи. Сарацины потребовали с них выкуп в 4000 златниц и священные сосуды. Монахи не могли дать такого выкупа и отказались выдать священные сосуды. Тогда их перевели в пещеру, находившуюся в ограде монастыря, перед входом в которую развели костер. В пламя костра сарацины подбрасывали навоз, чтобы заключенные задыхались от смрадного дыма. Так погибло восемнадцать человек, в том числе преподобные Иоанн и Патрикий. Остальных сарацины продолжали истязать, однако, не добившись ничего, покинули монастырь.

Поздно ночью в Великую пятницу скрывавшиеся в горах иноки вернулись в Лавру. Они снесли тела погибших в храм и в глубокой печали погребли их.

Варвары, грабившие Лавру, были наказаны Богом, став жертвой внезапной болезни (вероятно, какой-то эпидемии).



В
ТОЙЖЕ
ДЕНЬ

Свята́го преподо́бномученика Евфроси́на, Синеезе́рскаго чудотво́рца

НА ВЕЛИ́ЦЕЙ ВЕЧЕ́РНИ

На Г о́споди, воззва́х: стихи́ры на 8, глас 6:

Приидите, благове́рных люде́й мно́жества, /
све́тло пра́зднуим па́мьтвя свята́го по́стника, /
прему́драго наста́вника, / преподо́бнаго ста́рца
Евфроси́на, / чудотво́рца Синеезе́рскаго, / с любо́-
вию вопию́ще к нему́: / тво́ими моли́твами ко
Христу́ Бо́гу / от вся́кия ско́рби и бе́ды изба́ви нас.

Науче́н быв изде́тства любо́ви ко Христу́ / от
благоче́стивых роди́телей тво́их, / пресла́вне о́тче
наш Евфроси́не, / все жити́е тво́е на земли́ на
служи́е Бо́гу посвятил еси́, / при кончи́не же
тво́ей му́ченическим венце́м увенча́лся еси́ / и
всели́лся еси́ в Го́рняя со А́нгелы святы́ми. / Те́мже
мо́лим тя, уго́днице Бо́жий: / осеня́й с Небе́с
моли́твами тво́ими / усер́дно чту́щая па́мьтвя твою́.

Спасения иский, отче Евфросине пречудне, / во обитель славную Валаамскую вселился еси, / таже велением Божиим / церковный чтец веси Долоцкий поставлен был еси, / презрев же земная и тленная, / приял еси чин иноческий во обители Тихвинстей, / отонудуже радостно преселился еси в пустыню Синеезерскую / и, тамо обитель основав, / мученически скончался еси, / светило церковное и преподобных радование.

Срадуйтеся нам, вся верных множества, / сликовствуй, Новгородская вся Церковь / и вся Россия православная, / настá бо светлый день памяти дивнаго пустынника, / процветшаго, яко финикс, / облагоуханный Божественными дарованиями, / точит бо исцеления душ и телес / всем, с верою прибегающим к мощем его. / Сего ради воспойм ему усердно: / святыи преподобномучениче Евфросине, / Господеви молися о душах наших.

Слава, глас 5:

Преподобне отче Евфросине, / не дал еси сна очима твоима, / ни веждама твоима дремания, / дондеже душу и тело от страстей свободил еси / и себе в храм Господень уготовал еси, / пришед бо, Христос сотвори у тебе обитель Единосущныя Троицы / и дарова ти благодать вразумляти ко спасению / вся, к тебе приходящая. / Темже молим тя: / молися Христу Богу / спастися нам, чтущим тя.

И ныне, Богородичен: В Чермнем мори:

Вход, прокимен дне и чтения три (зри страницы 36—38).

На литии стихира святому, глас 4:

Достойно хвалим труды и подвиги твои, / отче Евфросине Богомудре, / щитом бо преподобия оградився, / воин духовный непобедим воистинну явился еси, / аще и мечное усечение и главы разбиение претерпел еси, / темже и венец славы приял еси от руки Вседержителя / и молишися о душах наших.

Слава, глас 5:

На Небесех ныне ликовствуеши, / преблаженне отче наш Евфросине, / и о спасении почитающих

тя мо́лишися, / заступлѣнием же тво́им дѹхи лука́-
выя отгоня́еши, / и исцеля́еши недѹги неисцѣль-
ныя, / и блиста́нием чудѣс тво́их сердца́ вѣрных
просвѣща́еши. / Тѣмже днесъ гла́сы немол́чными
воспева́ем / пресвѣтлую и светонóсную па́мять
твою́.

И ны́не, Богоро́дичен:

Храм и дверь еси́, / пала́та и престолъ Царѣв, /
Де́во Всечестна́я, / Ёюже Изба́витель мой, Христосъ
Госпо́дь, / во тьме спя́щим явѣся, / Со́лнце Сый
Правды, / просвети́ти хотя́, яже созда́ по образу
Своему́ руко́ю Своёю. / Тѣмже, Всепѣтая, / я́ко
ма́тернее дерзнове́ние к Немѹ стяжа́вшая, / непре-
ста́нно моли́ спастѣся ду́шам на́шим.

На стихо́вне стихи́ры, глас 1:

Прехва́льне отче Евфроси́не, / по ѳмени тво́емѹ
бысть и жити́е твоѣ, / занѣ испол́нен был еси́ /
вѣлія целомѹдрія и нищеты́ дѹха / во вся дни
житія́ твоѣго, / того́ ра́ди дом Свято́му Дѹху / свят
и че́стен сотвори́л еси́ себе́, / добродѣтельными
дея́ньми / и чудѣс дарова́ньми обогати́вся.

Стих: Че́стна́ пред Госпо́дем / смерть преподо́б-
ныхъ Егó.

На тебе́, уго́днице Бо́жий, / почи́ дух премѹдро-
сти и ра́зума, / ѳмже умудри́лся еси́ / бы́ти лю́дем во
спасѣние, / дух со́вета и крѣпости, / ѳмже возмо́гл
еси́ вопроша́ющим отвѣщавати, / дух вѣдения и
благочѣстія, / ѳмже благочѣ́стно научи́л еси́ / ѳщу-
щія́ дѹха и сердца́ но́ваго / вѣдети Святу́ю Трѳицу.

Стих: Блаже́н муж, боя́йся Господа́, / в за́повѣдехъ
Егó восхо́щет зело́.

Вѣтхаго челове́ка / совлѣклся еси́, Евфроси́не, / и
во Христа́ облѣклся еси́ войстинну, / победѣв же
вра́жия ополчѣ́ния, / явѣлся еси́ крѣпкий дѹхом
начальникъ пусты́нныя обѣтели / и мѹдрый наста́в-
никъ к тебе́ приходя́щим / и с во́племъ, я́ко ста́рцу,
взыва́ющим: / возми́ мою́ кровь, даждь ми твой
дух. / Сего́ ра́ди мо́лим тя: / умудри́ нас моли́твами
тво́ими спаса́тися / и испроси́ ду́шам на́шим вѣлію
ми́лость.

Слава, глас 8:

На земли явился еси, отче, / яко Ангел безплотный, / вся плотская желанья духови покорив, / темже по преставлении в Небесных селениях водворился еси. / Сего ради, святе, вопиём ти: / Ангеле земный, Небесный же человеце, / молися Христу Богу / о спасении душ наших.

И ныне, Богородичен, глас тойже:

Избави нас от бед, Мати Божия, / рождающая всех Творца, / да вси зовём Ти: / Радуйся, единое предстательство душ наших.

По благословении хлебов тропарь преподобномученику, дважды, и Богородице Дево: единожды.

Тропарь преподобномученику, глас 4:

От юности твоя вперив ум твой к Богу, / блаженне Евфросине, / мира же отвергся, / вселился еси в пустыню непроходимую, / и тамо, от Господа укрепляемь, / в молитвах и пощениях доблественне пожил еси, / и жизнь твою страдальчески / убиением от сынов противления скончал еси, / сего ради со преподобными и мученики венчался еси, / с нимиже и ныне предстоиши Престолу Пресвятыя Троицы. / Сию моли, молим тя, / оставление подати согрешений наших / и даровати нам велию милость.

Ин тропарь, глас 1:

От юности вперив ум свой к Богу, / блаженне Евфросине, / и бегая суеты мира сего, / достиг еси в пустыню непроходимую, / идеже Богу, ты укрепляюще, / ангельское житие стяжав, / поработал еси довольно Владыце своему Христу / в пощении, и в молитвах, и во вседневных бдениях / и сподобился еси дара Духа Пресвятаго, / еже прорицати будущая, / наставляя на стезю покаяния / притекающих к тебе и послушающих тя. / Темже Всеблагий Бог, видя великую твою к Себе веру, / нелицемерную любовь и несумненную надежду, / дарова тебе не точию еже веровати в Него, / но еже и страдати по Нем, / егда от противных сынов в тойже пустыни кровь твоя

нещадно излийся. / И доселе, яко Авелева, вопиет к Богу, / свидетельствующу о сем нетлением мощей твоих. / На няже взирающе, умильно вопием: / слава Христу, даровавшему тебе благодать толлку, / Егже и моли о нас.

НА УТРЕНИ

На Бог Господь: тропарь святаго, дважды. Слава, и ныне, Богородичен.

По 1-м стихословии седален, глас 3:

Течение совершив истинное, / мучителей дерзость победил еси, преподобномучениче, / прием же венец от руки Вседержителя, / Ангелом сопричастник показался еси.

Слава, и ныне, Богородичен:

Покров буди нам и предстательство, / и заступление, и похвала, Дево Богородице, / яко Ты еси безпомощных сила неборимая и безнадёжных надежда.

По 2-м стихословии седален, глас 1:

Наста, Богоносне отче Евфросине, светлый день памяти твоея, / темже, вси вернии, собравшиеся в пустыню твою, / светло радуящиеся, припадаем с верою к мощем твоим / и восхваляем Господа, прославльшаго тя.

Слава, и ныне, Богородичен:

Бога, из Тебе воплотившагося, познахом, Богородице Дево. / Того моли о спасении страны нашей православныя / и всех, запечатленных Именем Сына Твоего.

На полиелее величание общее преподобным.

По полиелее седален, глас 8:

Делатель искусен явился в пощениих, / просиял еси и во страданиях, / верныя же просветил еси твоими ученьми, блаженне Евфросине, / темже ты вси согласно величаем.

Слава, и ныне, Богородичен:

Надеждо непостыдная на Тя уповающих,/ рождающая па́че естества́ плотию Христа́, Бо́га нашего,/ Того́, Владычице, моли́ подати́ всем нам пре́жде конца́ исправле́ние и ве́лию ми́лость.

Степenna, 1-й антифoн 4-го гласа. Прокимен, глас 4: Честна́ пред Го́сподем / смерть преподо́бных Его́. **Стих:** Что возда́м Го́сподеви о всех, я́же воздаде́ ми? **Всякое дыха́ние: Ева́нгелие от Матфея, зача́ло 43.**

По 50-м псалме стихира, глас 6:

Да испо́лнятся уста́ наша / хваления́ Твоего́, Го́споди, / я́ко да воспоём сла́ву Твоего́ уго́дника, / преподо́бному́ченика Евфроси́на, / в недúзех цели́теля, / в ско́рбех утешителя, / о всех же, чту́щих святу́ю его́ па́мять, / те́плаго моли́твенника.

Кано́н Пресвяте́й Богородице со ирмосо́м на 6 и свято́му на 8. Кано́н преподо́бному́ченику Евфроси́ну, глас 6.

Песнь 1

Ирмос: Я́ко по сýху, пешешествовав Израи́ль / по бeздне стопа́ми, / гонителя́ фарао́на / видя́ потопля́ема, / Бо́гу побeдную́ песнь по́йм, вопия́ше.

Страда́льче преподо́бне Евфроси́не, / моли́твами твоими́ умири́ наша ду́ши / и сподо́би воспети́ по́стнический по́двиги тво́я, страда́ния и чудеса́, / и́миже Госпо́дь наш сла́вно просла́вился.

И́зше́д в са́не ино́честем от Тихвинския́ обите́ли, преподо́бне о́тче наш, / ты, я́ко пти́ца, прелетел еси́ в гнездо́ свое́, / во излю́бленное тобо́ю ме́сто пусты́нное, / и зде, на о́строве, во бла́тех непроходи́мых, / при мно́гих eзере́х всели́лся еси́, / направля́емь руко́ю Живонача́льнаго.

Водрузи́в на ме́сте твоего́ вселения́ Животворя́щий Крест / и ископа́в себе́ ма́лую пеще́ру, / вручи́л еси́ себе́ Бо́жию промышле́нию, страда́льче преподо́бне, / пребыва́я же та́мо в по́двизех, б́блием тра́вным пита́лся еси́, / до́ндеже обрето́ша ты велением Бо́жии и́щущии спасения́.

Глаго́лов и зако́нов Бо́жиих испо́лнитель быв, / испо́лнился еси́ в пусты́ни мно́гих дарова́ний

Духа, / о нихже рече Божественный Пáвел Апó-
стол во своих писáниях.

**Крепостию Христá, Егóже возлюбил еси издét-
ства всею крепостию сёрдца твоегó, / возмóгл еси
низложити силу вражью, / сего ради даровá ти Бог
дар прозорливства / и силу творити чудесá.**

Богородичен: Стрáсти плóти моея и непосто-
яние умá моего / отженí от мене, Пречíстая Дéво, /
и настáви мя на стезю спасения.

Песнь 3

Ирмос: *Несть свят, / якоже Ты, Гóсподи Бóже
мой, / вознесый рог вёрных Твоих, Блáже, / и
утвердивый нас на камени / исповедания Твоегó.*

**Благими нра́вы украсився, / плотскія страсти
умертвил еси велиим воздержанием / и к вéчной
жизни мученически престáвился еси, прехвáльне
óтче наш.**

**Весь прилежá Вседержителю, премудре óтче
Евфросине, / велиими подвиги отгна́л еси от себе
диáвола, / сми́рив гордыню его́ твоим преподóбни-
ческим сми́рением.**

**Ангельски пожíв на землi, / возвы́сился еси,
óтче, к лицезрению красоты́ Небесных, / имже
ны́не наслажда́ясь, моли́шися о спасении нашем.**

**Имея споспешествующую тебе́ Бóжью силу,
преподобномучениче, / по смёрти твоёй обильно
источáеши чудесá / прибегающим к тебе́ с верою.**

**Скóро пришёл еси на по́мощь, яко б́ывый сам
чтец, / ко чтецу́ пусты́нныя цёркве Иоáнну, / тяжко
страда́вшему от нападения лю́таго зверя леснаго, /
и, прикосну́вся болезненней его́ главё, явил еси на
нем дела́ Бóжия. / Моли́, чудотворче, Христá Бóга
нашего, / да исцелит от мра́ка греховнаго духо́в-
ная наша очеса́.**

Богородичен: Твёрдое упова́ние на Тя возла-
гающе, Богородительнице, / Тебе́ усёрдно молим-
ся: / сохрани́ весь сию́ и вся вёси и грады страны́
Росси́йския / от всяких бед, находящих челове́ком
согрешающим.

Седáлен, глас 4:

**Покори́л еси́ д́ухови, пресла́вне óтче наш, вся
плотская́ мудрoв́ания, / велиим же воздержанием и**

тѣплыми ко Христу́ моли́твами / возсия́л еси́ в
пусты́ни, я́ко луча́ со́лнечная. / Сего́ ра́ди воспева́-
ем хвалу́ тебе́, / по досто́янию тя ублажа́юще.

Сла́ва, и ны́не, Богоро́дичен:

Стена́ необори́мая христиа́ном еси́, Богоро́дице
Де́во, / к Тебе́ бо прибега́юще, невреди́ми пре-
быва́ем / и, согреша́юще, има́мы тя моли́твенни-
цу. / Те́мже благода́рственно вопие́м Ти: / ра́дуйся,
Благода́тная, Госпо́дь с Тобо́ю.

Песнь 4

Ирмо́с: Хри́сто́с моя́ си́ла, / Бог и Госпо́дь, /
честна́я Це́рковь / боголе́пно поёт, взыва́ющи, / от
смы́сла чи́ста о Го́споде пра́зднующи.

Процвела́ есть, я́ко крин, пусты́ня Синеезе́р-
ская, / егда́ преподо́бнии ру́це твои́ и притека́-
ющих к тебе́ бра́тий / сотвори́сте в ней храм
Бо́жий, / тобо́ю же, о́тче, осно́вана бысть та́мо и
о́битель ино́ческая, / в не́йже и́щущия спасе́ния на
пу́ть пра́вый наставля́л еси́.

Ве́лми му́дрый путево́ждь к Ца́рствию Бо́жию,
о́тче, был еси́, / не то́кмо бо ино́цы, но и вси,
приходи́вши к тебе́, / а́ки от исто́чника, почерпа́-
ху от тебе́ свято́е уче́ние: / вели́к бо ра́зум имёл еси́,
сведу́щ в Боже́ственных догма́тах, / зане́ изде́тства
к науче́нию в Боже́ственных Писа́ниях попремно́-
гу прилежа́л еси́.

О́битель тво́я, о́тче, / в годи́ну сму́ты в Росси́й-
стей земли́ / яви́ся убе́жище мно́зем правосла́вным
христиа́ном: / тогда́ бо Росси́йстии лю́дие мечём
злове́рных ля́хов, / а́ки клáсы серпо́м, пожина́ху-
ся, / сего́ ра́ди укрыва́хуся во тво́ей о́бители, /
обрета́юще та́мо душ и телес спасе́ние.

Соде́яв ду́шу твою́ храм Свята́го Ду́ха, пресла́в-
не о́тче наш, / наслéдник Го́рняго Ца́рствия и
сожи́тель Вы́шних сил яви́лся еси́ / и прия́л еси́ от
Бо́га дар соде́вати зна́мения и чудеса́.

Я́коже Госпо́дь наш прикосну́ся ру́це те́щи
Петро́вы, / огнём жего́мыя, и а́бие исцели́ ю, / та́ко
и ты, уго́дниче Хри́стов, / предста́тельством тво́им
пред Го́сподем / укроти́л еси́ огневи́цу отрокови́цы
Ма́рии, / на одре́ сме́рти лежав́шия, / внигда́ при-

звѣтя на по́мощь иере́й Прокóпий в моли́тве сво́ей.

Богородичен: Девá пребыла́ еси́ по рожде́ствѣ, /
якоже и прѣжде рожде́ствá была́ еси́, / занé Бóга
Слóва родила́ еси́, / избáвльшаго нас от тлѣния
крѣстною смѣртію Сво́єю, / Дѣво Пренепорóчная.

Песнь 5

Ирмос: Бóжиим свѣтом Тво́им, Бла́же, / у́треню-
ющих Ти дýши любóвию озарí, молю́ся, / Тя
вѣдети, Слóве Бóжий, / и́стиннаго Бóга, / от мра́ка
грехóвнаго взыва́юща.

У́мныма очíма, я́ко прозорли́вец, / предзрѣл еси́
кончíну твою́ от иноплемѣнных / и истреблѣние
ими́ твое́я обíтели, / тѣмже умоля́л еси́, óтче,
укрыва́вшийся в ней пришѣльцы и сáмья и́ноки /
ра́ди сохранѣния жízни изы́ти из обíтели. / Сам
же ты, сíлою Свята́го Дýха оградíвся, / я́ко
началово́ждь, в срѣтение супостáтом изшѣл еси́, / и
безтре́петно стал еси́ у крестá, / водружѣннаго
тобо́ю при основáнии обíтели, / и та́ко привѣл еси́
сам себе, я́коже овчá, на заклáние.

Бѣснии ляхове, вíдевши тя, óтче, безтре́петно
стоя́ща у крестá / и разумѣвши, я́ко ты еси́
начáльник обíтели, рѣша ти дерзостно: / даждь
нам имѣние монастыря́ твоегó. / Ты же со смире́ни-
ем и́ноческим отвѣтствовал еси́, / указу́я на создáн-
ный тобо́ю храм: / все имѣние моё обрета́ется в сем
хра́ме Пречíстыя Богороди́цы.

Услы́шавши безбоя́зненный отвѣт твой о имѣ-
нии, / дерзостнии ляхове разъя́ришася, / и се е́дин
от во́ин вѣю * твою́ пресече́ мечѣм до полу́, / другíй
же раздробí честнóю главú твою́, / и та́ко предал
еси́ чíстую дýшу твою́ в рúце Гóсподеви.

На убíйцы укрепíвый ты, óтче, Подвигополо́ж-
ник Христóс, / при́йм твой дух в Небѣсна́я селѣния
по скончáнии твоѣм, / сотвори́ ты истóчник чудес /
с любóвию и вѣрою к тебѣ прибега́ющим.

От нанесѣния главотя́жей ** и убрúсцев *** апó-
стола Пáвла вѣрующии исцеля́хуся, / я́коже Бого-
глаго́ливый Лука́ повествует. / Не прóсты же сíлы

* вѣю — шею

** главотя́ж — головная повязка

*** убрúс — плат, полотно

творит Господь прикосновением и твоих вещей: / наглавник бо твой, отче, / и персть от гроба твоего, / и елей от лампы у раки мощей твоих / источают, твоими молитвами о нас, исцеления болящим.

Богородичен: Исцели, Пречистая, недугующаго ума моего помрачение, / Врача рождающая, Христа, Всенепорочная Дево.

Песнь 6

Ирмос: Житейское море, / воздвигаемое зря напастей бурю, / к тихому пристанищу Твоему притек, вопию Ти: / возведи от тли живот мой, Многомилостиве.

Прими мученическую телесную кончину, отче, / вознесся еси духом твоим в Горняя селения молиться о нас Вседержителю, / мощами же твоими с нами пребываеши, / являя теми многая знамения и чудеса.

Глаголом Божиим свидетельствована бысть сила чудес твоих, отче Евфросине: / одержима бо сущи велиим бесовским плачем, / раба Божия Агафия, егда бысть в разуме, слыша глас свыше: / гряди в пустыню Синеезерскую, / помолися чудотворцу Евфросину и исцелееши. / Таяже прииде, и помолися, и исцелел.

Елицы притекаху с верою к мощем твоим, скорый помощниче и молитвенниче, вси исцеляхуся, / молим тя убо: / помощью твоею посети и ны, / телом и душею немощствующих.

Умиленно призывающе святое и прославленное имя твое, отче, / крепость и исцеление приимаху от тебе немощствующих плотию и духом, / скорбнии же и удрученнии печальми житейскими / обретаху от тебе скорую помощь и утешение.

Невозможно есть исчислити многое множество чудес твоих, / целителю душ и телес наших, отче Евфросине, / сего ради творяще память твою, / благодарственно благословляем прославльшаго тя, / отцев Бога благословеннаго.

Богородичен: Отцу Собезначальнаго Сына плотию родила еси, Пренепорочная Дево, / Егоже моли со преподобномучеником Евфросином, / да

сотворит ны сыны Своего Царствия / и наследники обетования вечнаго.

Кондак, глас 8:

Подражая житию древних отцев, / Богомудре отче Евфросине, / красоту мира сего возненавидел еси, / и, в пустыню вселився, / веру Христову, якоже щит, в сердце твое приял еси, / с неюже изшел еси, яко добр воин Царя Небеснаго, / не на брань противу плоти и крове, / но на брань противу козней невидимаго врага, / и сего вознесенную гордыню, / по данной тебе от Духа Святаго благодати, / глубоким смирением твоим низложил еси, / и от Небеснаго Мздовоздателя неувядаемым венцем победы венчался еси. / Сего ради, сошедшая любовью, вопиём ти: / радуйся, отче Евфросине, пустынное украшение.

Икос:

Ангельски пожив на земли, / достигл еси, отче, лицезрения красоты Божия, / имже наслаждаяся на Небеси, молишися о спасении нашем. / Сего ради мы, земнии, днесь память твою празднующе, любовью вопиём ти: / радуйся, благочестиваго корене православных родителей пречестная отрасль; / радуйся, от младенства Христа возлюбивый. / Радуйся, в детстве и юности иноческим подвигом научивыйся; / радуйся, древним пустынником подражателю. / Радуйся, Новгородстей Церкви в чине чтеца церковнаго послуживый; / радуйся, крине, посреде блат пустынных процветый. / Радуйся, мудрый наставниче ищущим душевнаго спасения; / радуйся, целителю душ и телес просящим твоего пред Богом заступления. / Радуйся, похвало монашествующих; / радуйся, дар прозорливства и силу чудес от Бога приемыи. / Радуйся, отче Евфросине, пустынное украшение.

Песнь 7

Ирмос: *Росодательну убо пещь / содела Ангел / преподобным отроком, / халдеи же опаляющее / веление Божие мучителя увещая вопити: / благословен еси, Боже отец наших.*

Распалив сердце твоё любовью крепкою ко Христу, отче, / пламень похоти плотския и огонь ярости ея претворил еси в росу / и всю силу их угасил еси, поя Богу в безмолвии пустынем: / благословен еси, Господи Боже отец наших.

Плоти твоёй не послужил еси, / но, апостольски распиная ю со страстьми и похотьми, покорил еси духу / и честен храм Духу Святому себе сотворил еси, взывая: / благословен еси, Господи Боже отец наших.

Просветив твоё сердце смиренномудрием, / верен был еси начальник собора иноков, / наставляя, и уча, и вся приводя к Божией воли, поющая: / благословен еси, Господи Боже отец наших.

Велиим благоразумием, отче наш Евфросине, / покорил еси духови гордость ума житейскаго, со смирением поя: / благословен еси, Господи Боже отец наших.

Прекрасный цвет, отче, в дому Божии произраст еси, / многими добродетельми красуйся / и ароматы чудес благоухаяя.

Богородичен: Ум наш пленя в послушание веры, / дух и душу всесовершенны сотвори / и тело в пришествие Господа нашего Иисуса Христа / соблюди непорочно молитвами Твоими, Всенепорочная Богородительнице.

Песнь 8

Ирмос: Из пламене преподобным росу источил еси / и праведнаго жертву водою попалил еси: / вся бо творяши, Христе, токмо еже хотети. / Тя превозносим во вся веки.

Широкий путь, вводящий в пагубу, презрел еси, страдальче преподобне, / и тесными вратаи вшел еси в Небесное Царствие. / Темже молим тя: / укрепя нас молитвами твоими понести благое и лёгкое иго креста, / да и мы во время благопотребное / внидем в покой Бога благословеннаго.

Бодренным умом трезвением и тёплым ко Христу молением / диавола посрамил еси, прехвальне страстотерпче, / страстные же того прилоги отгнал еси, / крепкою верою во Христа вооружив-

ся, / и тако вшел еси в покой Бóга благословеннаго.

Ангельски, óтче, на земли пожил еси, / темже ныне со Ангелы ликует на Небеси́ дух твой, / моли́ úбо о нас, чту́щих па́мять твою́, Небесный жителю, / да вселит Христо́с и нас в покой Бóга благословеннаго.

Во вся дни жития твоего́ / неукло́нно шествовал еси́, премудре óтче наш, стезя́ми Божественными к Небеси́, / иде́же ныне пребыва́я, / с лики Ангельскими радостно воспева́еши оцёв Бóга благословеннаго.

Предстои́ши ныне Престо́лу Вседержителя, преблаженне óтче Евфросине, / нам же, на земли́ сущим, явля́ешися воистинну́ Ангел хранитель, / утвержда́я ны в вере учёными твоими́ и зна́меньями чудесными / и соблюдая́ ны в чистом исповедании оцёв Бóга благословеннаго.

Богородичен: Богоугодне пожившему и страда́льчески жити́е скончавшему / преподобному́ченику Евфросину последовати наста́ви нас, Всенепоро́чная, / потребля́ющи от душ наших прило́ги лука́вых демонов / и возводя́щи при́сно умы́ наша к зрению́ и исполнению́ за́поведей Сы́на Твоего́, Бóга нашего́.

Песнь 9

Ирмо́с: *Бóга / челове́ком невозмо́жно ви́дети, / на Него́же не сме́ют чини́ Ангельстии́ взира́ти, / Тобо́ю же, Всечы́стая, яви́ся челове́ком / Сло́во воплоще́нно, / Его́же велича́юще, / с Небесными́ вои́ Тя ублажа́ем.*

Избавився от сетей ловящих тя, / почил еси́ во благоухании́ святы́ни / и Го́сподеви́ ныне́ предстои́ши, поя́ со Безплотными: / Свят, Свят, Свят еси́, Бо́же, Трои́це Вседетельная.

Яко победитель мысленных врагов, прехва́льне óтче, / венце́м победы́ неувяда́емым увенча́лся еси́ от Царя́ всех. / Сего́ ра́ди мо́лим тя усердно: / моли́ блага́ость Вседержителя́ / дарова́ти правосла́вным лю́дем на супоста́ты победу́.

Яко предста́телю нашему́ и ско́рому помо́щнику, / сущему́ в Небесных оби́телях, мо́лимся тебе́: /

Владыку всех моли / сохранить от глады, труса,
потопа, огня, меча, / от нашествия иноплемённи-
ков и междоусобныя брани весь сию / и вся веси,
грады и страны христианския / и вся ны спасти,
благочестно ты почитающия.

Честная рака святых мощей твоих, отче пречуд-
не, / богато источает исцеления приходящим к
тебе с верою / и воздвизает верныя славити велия
твоя подвиги и чудеса.

Приими, преблаженне отче наш Евфросине, /
хвалёбная наша песнопения, любовью тебе возно-
симая, / осеняй нас твоими молитвами / и ускорь на
помощь благодатным заступлением твоим во вре-
мя благопотребное.

Богородичен: Камень краеугольный — Хри-
стос — верным есть основание, / неверным же ка-
мень преткания и соблазна; / на вернем камене,
Владычице, утверди мое помышление / и спаси
мя Матерним Твоим дерзновением к Сыну Твоему,
Богу нашему.

Светилен:

Света Податель, Господь, / постави ты светиль-
ника света Церкви Своей, отче преславне Ев-
фросине, / озари убо светом твоим и вся ны, /
почитающия святую память твою.

Слава, и ныне, Богородичен:

Свеще таинственная, Богоневесто, / возсияй
свет разума сущим во тьме неразумия / и спаси вся
ны, благочестно поющия Тя / и яко Матерь Божию
величающия.

На хвалитех стихир, глас 8:

Богоносне, преблаженне отче Евфросине, / вся
плотская мудрования духови покорил еси, / по-
стом же и молитвою утвердився, / яко злато, в
горниле искушено, просиял еси / и храм Святаго
Духа явился еси, / собрав же монашествующих
множества, / учёными твоими, якоже лестницею, /
на высоту добродетелей сия возвел еси. / Поминай
ны, чтущия память твою, / и моли спастися душам
нашим.

Возсия днесь преслávная и всепрáзднственная пáмять твоá, / преслávне óтче Евфросíне, / созывáющи многóчисленное пóстников сослóвие / и преподóбных ликостóяния, / человеки же вся и Ангелы / к похвалéнию дíвнаго во святýх Своýх / Христá Бóга нáшего: / притекáюще бо ко святýм мощém твоým, / исцелéния дáры обýльно приéмлем / и тебé венчáвшего Христá прославляем, / Спáса душ нáших.

Óтче Богомýдре Евфросíне, / издétства Христá возлюбív, / ты о Имени Егó многия труды и скóрби понéсл есý / и дáже до смéрти пострадáл есý. / Предстоá úбо ныне Престóлу Вседержítеля / и неизречéнные добрóты Егó насладя́ясь, / моли́ся о нас, свéтло прáзднующих честнýю пáмять твою́ / и прослávившего тя Христá величáющих.

Слáва, глас 2:

Приидíte, вси вёрнии, / в пéснях возвели́чим Христóва угóдника, / преблáженнаго стáрца Евфросíна: / сей бо, измлáда плоть дýхови покорív, / по стопáм Госпóдним в житий своём шéствова, / тэмже и наслéдова Небéсное Цáрствие. / Сегó ради к немý сýще возопи́м: / рáдуйся, преподóбне óтче наш, мýчениче Евфросíне, / вели́каго дáра чудотворéний от Христá сподóбивыйся, / рáдуйся, тёплый предстáтелю наш пред Гóсподем / и моли́твенниче о душа́х нáших.

И ныне, Богорóдичен:

Все уповáние моё на Тя возлагаю, / Мáти Бóжия, / сохрани́ мя под крóвом Твоým.

Славослóвие вели́кое.

НА ЛИТУРГИИ

Блáженны от канóна, пёсни 3-я и 6-я. Прокíмен, глас 8: Восхва́лятся преподóбнии во слáве / и возра́дуются на лóжах своýх. **Стих:** Воспойте Гóсподеви пeснь нóву, я́ко дíвна сотвори́ Госпóдь. **Апóстол к Тимофéю, зачáло 291.** Аллилúя, **глас 6:** Бла́жен муж, бой́ся Гóспода, в запове́дех Егó восхóщет зело́. **Стих:** Сýльно на землй́ бýдет се́мя егó. **Евáнгелие от Мáрка, зачáло 37. Причáстен:** Рáдуйтесь, прáведнии, о Гóсподе:

Молѣтва

О святѣй преподобномучениче Евфросине! Услыши усердное наше, приносимое тебе моление. Огради и сохрани святыми молитвами твоими весь сию и вся веси и грады православнаго отечества нашего от глады, труса, потопы, огня, меча, нашествия иноплемеников, междоусобныя брани и смертоносныя язвы, от всякия беды, скорби и зла. Умоли Господа Бога и Спаса нашего даровати мир Церкви Его, под знаменiem Креста воинствующей, архипастырем и пастырем нашим право правити слово истины Евангельския ходатайством твоим помози и всем православным христианом прощение согрешений их вольных и невольных испроси, в недужех же пребывающим подаждь предстательством твоим от недугов исцеление, да тебе ради славится пречестное и великолепое Имя Пресвятыя Троицы, Отца и Сына и Святаго Духа, ныне, и присно, и во веки веков. **Аминь.**

Преподобный Евфросин Синозерский, в миру Ефрем, основатель Троицкой Синозерской пустыни, родился в Карелии. В юные годы он был послушником в Валаамском монастыре на Ладожском озере, затем причетником в селе Долосском в 30-ти верстах от Устюжны Новгородской области. Пострижение принял в Успенском Тихвинском монастыре Новгородской епархии. В 1600 году начал пустынножительство в безлюдной местности на берегу Синичьего озера (Устюженский уезд Новгородской области). Поставив крест и выкопав пещеру, преподобный Евфросин прожил здесь два года, питаясь ягодами, травами и кореньями. Окрестные жители, обнаружившие местопребывание подвижника, стали приходить к нему за наставлениями. Воодушевленные его примером, некоторые из них оставались жить со святым. Они помогли преподобному Евфросину построить храм в честь Благовещения Пресвятой Богородицы.

В смутное время, когда польские отряды вторглись в Новгородскую землю и грабили окрестности Устюжны, в пустыни преподобного Евфросина спасалось от захватчиков мно-

жество людей. Однажды преподобный Евфросин известил братию, что поляки идут в пустынь, и советовал всем бежать. О себе же сказал, что должен остаться здесь по обету.

Инок Иона, подвизавшийся вместе с преподобным Евфросином, хотел бежать вместе с другими, но по призыву святого остался в пустыни: «Брат Иона,— сказал преподобный,— зачем допускать в душу страх малодушия? Когда настает брань, тогда-то и надо показать мужество. Мы дали обет жить и умереть в пустыни. Надо быть верным слову, данному пред Господом».

20 марта 1612 года, на следующий день, к обители подошел польский отряд. Преподобный Евфросин вышел из келлии в схимническом одеянии и стал у водруженного им креста. На требование отдать ценности обители святой Евфросин спокойно ответил: «Все имение этого монастыря и мое — в Церкви Пречистой Богородицы», — разумея то некрадмое богатство, которое для христианина сокрыто в вере. Один из захватчиков, не понявший преподобного, вынул саблю и поразил его святого старца, который пал на землю

бездыханным. Инок Иона разделил его участь и также принял мученический венец. В обители был также крестьянин села Долосского Иван Сума, который, несмотря на полученные раны, остался жив. С его слов было записано свидетельство о мученической кончине преподобного Евфросина, сохранившееся в рукописи XVII века. Преподобный Евфросин

вместе с иноком Ионой были преданы честному погребению 28 марта.

В 1646 году в обители был возведен новый храм и колокольня с переходами. По благословению митрополита Новгородского Макария III (1652—1663), мощи преподобного Евфросина Синозерского были перенесены под колокольню 25 марта 1655 года.

